

# NEL ODUBER TA CUESTIONA BETICO

ORANJESTAD(AAN) Redaccion di DIARIO a tuma nota di un boletin extra cu a sali anuncia ayera na un emisora local, den cual Nel Oduber cu voz propio ta cuestiona henter e fundacion di partido MEP.

Den un manera espectacular Nel Oduber ta bisa cu defunto Betico Croes no a papia berdad tocante henter e proceso di lantamento di partido MEP. Particularmente Nel

Oduber a cuestiona e hecho cu Betico lo a sali for di AVP pa motibo di liderasco cu lo ta den man di famia Eman. Nel Oduber den un declaracion na un periodista ta bisa cu Betico no lo a bisa e berdad al respecto. Segun Nel Oduber Betico deliberadamente lo a malinforma e lideman di bario di MEP, pasobra Betico su reunion di lider no tabata legal.

E grabacion aki cu a pasa ayera na un emisora local a

causa gran conmocion na Aruba. For di tur skina na Aruba Diario a ricibi reaccion di asombro y condena na tur locual Nel a insinua tocante Betico. Especialmente e hecho cu despues cu Nel a bira lider di MEP den forma consistente tabata atacando tur loke cu Betico a laga atras.

Promer el a core cu yiu di Betico, despues e kier bora tur recuerdo di Betico, el a core cu simpatisantenan fiel di Betico, hasta yamando nan pa

"cortado di corant" y awor e forma denigrante con el a expresa tocante e memoria di Betico ta causando basta indignacion.

Peor ainda con e ta cuestiona e palabranan di Betico y henter e fundacion di MEP ta causando indignacion. Por a scucha tambe ex-lideman di bario di MEP cu a yama e emisora exigiendo publicacion di un declaracion di Nel cu Rudy tin den su poder caminda Nel ta lastra Betico

den un manera sumamente ofensivo.

Nel su declaracion encontra di Hendrik Croes cu a worde revela ayera tambe sigur lo ta topico di un discucion interno den MEP. Den e declaracion di Nel e ta insinua un metemento sospechoso di Hendrik Croes den e proyecto di aeropuerto. Tur e papiamento tras di lomba aki ta muestra un karakter falso y insincero di parti di e lider di MEP, Nelson Oduber.